

湖南陳氏總祠獎學記

長沙陳繼訓撰

湘垣中樂園舊有陳氏試館光緒時各邑支祠釀金營建爲同
宗試於有司者寄跡之所自科舉罷黜國步尋改於是易名曰
總祠飭治隙宇取其屋食歲杪調竿盈朒酌獎鼓篴各校之族
子分科局試第其甲乙牒於官府著爲例甲戌冬會考於楚怡
學校余與夙荒鳳光介石諸君實與衡文之責其評隲物理數
學及外國方言則繙族中專精於此者尸之昭其慎也旣蒞事
宗之人屬余敘次崖略傳眎後賢覲文僖宇兩君督促尤勤余
曰獎學盛舉也微公等言固願有紀原夫周武王封舜後胡公

滿於陳楚滅之敬仲犇齊以國爲氏林寶元和姓纂鄭樵通志
紀載綦詳繇漢至唐著潁川汝南下邳廣陵東海河南六望而
五代及宋惟江州義門稱極盛餘裔蔓布各行省衡廬地接徙
湘綦夥迄於明清樹績開府代有賢達其源出於潁川蓋太邱
之明德遠矣茲祠之權輿我有媯之後之凡占籍是邦者大率
與有勤勞固未嘗鰓鰓較量於始遷時地之同異聯宗以厚風
俗勸學以儲才雋隱然樹進德修業之基願亭林所譏同姓通
譜植黨營私庶乎免焉余因思夫窮變通久理勢固然願其中
有本末焉有可否焉典章文物百工技術制宜因時攬舊恐泥

所謂可變革者也廉恥禮義人紀天綱國維隳弛蘊亂召亡所謂不可變革者也是故春秋始隱公褒禮讓示立國之本魯論首述學承以有子言孝弟示立身之本聖賢垂教之深心豈不謂要道至德雖百變不能踰其閑哉夫禮讓孝弟在昔兼擅其勝者粵稽載籍疇賢於虞舜天下重器也而舜棄若敝蹤頑父嚚母傲弟人倫劇變也而舜祇載齋慄諸烝於父世若衰亂久矣使人皆希舜邳治之隆可量夕斷也韓退之原道必推本於堯舜意在斯乎然則謂精一執中爲儒者相傳心法毋寧謂陳氏遞嬗家法歸而求之有餘師惟在神明之胄知所祖述而已

語云天下不治而吾家自治是則我總祠狼狼獎學之微悃也
宋史孝義傳載江州陳兢其先當南唐時旌義門免徭役試奉
禮郎昉家十三世同居長幼七百口不蓄僕妾上下和睦每食
必羣坐廣堂未成年者別爲一席犬百餘共槽食一犬不至羣
犬不食蓋祥和翔洽至誠感物如此於戲莫爲之前其善勿宣
莫爲之後雖美勿延吾宗聞風而興者知未有艾也繼訓雖垂
耄儻庶幾猶及見之